





寄園寄所寄



內閣文庫	
番號	漢 9789
冊數	16 (12)
函號	303 125

十三





裂皆奇

殉寇諸賢



殺運毒流固曰人事實天

死而湮沒者何可勝數姑就綬冠剩本列其大

概碧血青燐已不禁銅馬之感矣

梅村氏日記死節者不以日月為斷先北都以殉主也

春秋傳曰君為社稷死則死之國亡與亡臣執之大者

也次豫豫臺使者銜命博訪幸以其人傳焉思宗其知

之矣故重之也自秦晉以下無錄非無錄也曰時迫矣

不及於錄也然則記死節者必以其錄乎曰有則移而

詳無則存而畧有錄焉而不必核者矣君子之於前朝

也。殘編鬻翰。繹而出之。敢謂弗核乎。無錄而存焉者寡矣。吾懼今日存之。而後日失之。其或今日失之。而後日又存之。則繼而出者。吾庶幾望之也。北都以禮臣表忠之疏爲鵠。而緒聞佐之。表忠之正祀諸臣者尚矣。附祀武臣。則盡以遇害死者。附祀文臣。無一二臣遇害者乎。含一二臣無遇害而不祀者乎。若是者宜收。曰。不忍收也。內臣亦可以正祀乎。曰。春秋之法。善善長。何可以闕故畧而不書。舍死事北都無可書者乎。春秋信以傳信。疑以傳疑。緣人之喜怒以爲傳著。其疑太甚。且俳而不經。故畧之也。豫以御史蘇京優卹之疏爲鵠。而緒聞佐之。自一命以上。建祠致祭。且加恩於其家。嗚呼。勸忠之

道備矣。北都被而群臣何可以不死。則猶恨乎死之少也。御史之所列也。將累數以徵於書。今在錄者。四十一人。盡於此乎。曰。闕文也。其書半軼而不存。以視乎秦晉楚蜀。其猶爲半也已。秦之書。少保其可風乎。將軍死綏。真寧之一戰也。又終之以榆林。秦事武臣爲烈。孫尙書死渭南矣。或曰。邠縣之潰可乎。謀人之軍師國邑。敗則死之。成敗利鈍。天也。可不謂之忠與。夫晉京師之破也。於太原則書之。於寧式於宣大。書矣。不再書。死乎晉。弗繫乎晉者。尊京師也。紀江北者。爲國難乎。曰。前此矣。前此曷爲乎書。曰。追書也。楚之於武昌也。以故相則書其官。於承天也。以獻陵則書其地。於永州也。以全。三手則

書其事。死同書不同也。若蜀則糜爛矣。何可以書。何可以書者。不勝書也。嗟乎。北都之表忠也。豫之優卹也。以蜀視之。可勝嘆哉。然天下之不勝書者。又不獨平蜀也。

北都

正祀文臣

東閣大學士。工部尚書。贈太傅。范文貞公景文。字僕公。吳橋人。癸丑進士。投龍泉巷古井。妾亦自縊。

戶禮兩部尚書。兼翰林院學士。贈太保。倪文正公元璐。字鴻寶。上虞人。壬戌進士。遺語家人曰。必大行殮。方收吾屍。文正從來有以贈死節者。倪公之弟請曰。曾子云。得正而斃。孟子云。順受其正。何必不諱。死節者。於是

并劉詹事之幾亦定。

左都御史。贈太保。吏部尚書。李忠文公邦華。字懋明。吉水人。甲辰進士。縊於文信國祠中。

兵部侍郎。贈太子少保。王忠端公家彥。字遵五。蒲州人。壬戌進士。守德勝門。時聞陷。自投城下。不死。自縊。

刑部侍郎。贈尚書。孟忠貞公兆祥。字肖形。交河人。壬戌進士。守正陽門。死於門下。妻劉氏亦死。

左副都御史。贈左都御史。施忠介公邦耀。字四明。餘姚人。己未進士。飲藥死。

大理寺卿。贈刑部尚書。凌忠清公義渠。字若柯。烏程人。乙丑進士。盡焚其生平著述。絕吭死。

太常寺少卿。贈兵部右侍郎。吳忠節公麟徵。字居齋。海鹽人。壬戌進士。麟徵初登第。夢一人叉手向背。吟文信國山河破碎水飄絮。身世浮沉雨打萍之句。問之。遂人云是隱士劉宗周。時尙未識宗周。當城陷時。有祝孝廉淵者。以奏保宗周被逮。留京師。公之故人也。臨命。各祝至。酌酒恍惚。告以前夢。乃絕。其事甚奇。

左春坊左庶子。贈禮部左侍郎。周文節公鳳翔。字巢軒。山陰人。戊辰進士。碧血九原依舊主。日頭二老哭忠魂。公之臨死詩。以遺其親者也。

左春坊左諭德。贈禮部右侍郎。馬文忠公世奇。字素修。無錫人。辛未進士。以司經局印授其僕。焚朝衣於庭。北

向闕拜。南向遙拜其母而絕。

左春坊左中允。贈詹事府正詹。劉文正公理順。字湛六。杞縣人。甲戌殿試第一名。居鄉有賢名。賊李岩其同邑也。掌箭遣人護之。聞已死。乃拜哭去。

翰林院檢討。贈少詹事。汪文烈公偉。字長源。休寧人。戊辰進士。書於壁曰。夫婦同死。節義成雙。

太僕寺丞。贈少卿。申節愍公佳胤。字素園。永平人。辛未進士。投井死。

戶科都給事。中贈太常寺卿。吳忠節公甘來。字和受。新昌人。戊辰進士。

御史。贈太僕寺少卿。陳恭愍公良謨。字賓日。浙江鄞縣

人。辛未進士。原名天工。

御史。贈太僕寺少卿。陳恭節公純德。字澹王。湖廣永州人。庚辰進士。

御史。贈大理寺卿。王忠烈人章。字芳洲。武進人。戊辰進士。守城巡城至阜成門。賊已拔礮上。賊持刃說降。公大呼之。賊乃築其廬避害。

吏部員外。贈太僕卿。許忠節公直。字若魯。如臯人。甲戌進士。

兵部郎中。贈大理卿。成忠毅公德。字潛民。懷柔人。辛未進士。公以雞酒哭奠梓宮。賊露刃脅之。不為動。母與妻同死。子九歲。又撲殺之。然後自殺。

兵部主事。贈太僕寺少卿。金忠節公鉉。字伯玉。京師人。戊辰進士。鉉初以駕部巡皇城。每過御河。輒流連不能去。歸語其弟曰。我一見御河。若依依不忍舍。何也。竟投河死。

大同巡撫。贈兵部尚書。衛忠毅公景瑗。字帶黃。韓城人。乙丑進士。

宣府巡撫。贈左都御史。朱忠莊公之馮。字勉齋。大典人。乙丑進士。初總兵王承胤。誘宣人降賊。會居庸總兵墨雲瓦至。之馮言。京師將發兵勦宣人之應賊者。已而刑牛馬與承胤盟。賊至。承胤開門降。之馮死。

此二十二公者。褒忠之首乎。范文貞。倪文正。李忠文。

以德以位以名。則社稷臣也。社稷之臣。從死社稷。不
禁重乎。然則終之以許文學。琰。湯布衣。瓊者。何居。曰。
學宮有激勸之道焉。倣建文。龔安節。儲貞義。例。祀之
可也。正祀以從諸公之後。則過矣。傳曰。士死義。謹別
其爲士而書之。
進士。贈河南道監察御史。孟節。愍公。章明。字伯昭。忠貞
公。兆祥之子。癸未進士。

節愍父子同死矣。乃列附祀文臣首可乎。給事李清
議曰。倣建文。顏孝節父子。合席而異食。屈乎其父也。
夫子不先父食足矣。附祀則豈合食之義乎。當進之。
保定之張公羅彥。金公毓峒。邵公宗元。不宜正祀乎。

曰祀典以君臣同殉社稷。保定則日月稍後矣。且南
中所不及聞也。故特書之。

正祀武臣

太傅新樂侯。贈太師恒國公。劉忠壯公文炳。字淇筠。其
先海州人。以靖難功爲和陽千戶。籍任丘。後遷宛平。瀛
國公應元之孫。新樂伯效祖之子。寇急。上於萬歲山騎
射。文炳與駙馬鞏永固日侍左右。受手詔。諭勲戚出家
丁。巡緝京師。無應者。及外城破。上曰。能爲朕一巷戰乎。
兩臣對曰。今止臣等親隨數騎耳。其何以戰。上曰。至是
即。朕志與命。不能爲太祖高皇帝守社稷。當爲死社稷
耳。於是君臣相向哭。城破。侯與駙馬各殺數十騎。見第



中火起。下馬投井。顧其影乃戎服。曰。此軍容不可見。皇
上地下。索冠服。不得。得他冠而小。裂之。乃得冠。遂投井
死。

惠安伯。贈太師。進侯。張忠武公慶臻。永城人。閤門自焚
死。長子左都督承胤。女子承志。冒難南歸。

襄城伯。贈太子太師。進侯。李貞武公國禎。襄城被執。見
自成不屈。言烈帝宜葬以帝禮。太子諸王不可殺戮。自
成從之。

駙馬都尉。贈少師。鞏貞愍公永固。大興人。以黃繩縛子
女五人於棧。閤門自焚。曰。帝甥也。不可辱賊。

太子少保。左都督。贈太保。劉忠果公文耀。新樂侯文炳

之弟。守外城永定門。外城破。馳至渾河收兵。見內城破
哭曰。天乎。文耀在外城。不即死。以內城必能守。得一見
皇上請罪耳。不知如此。乃著一板於井旁口。太子少保
文耀死處。

三關總兵。贈太保。周忠武公遇吉。三韓人。破城日。擐甲
運矛。策馬入中壑。手刃巨賊百餘。矢撒甲如蝟毛。身中
數十鎗而死。

正祀武臣當矣。李襄城任京營而失守。得無有遺議
乎。曰。其死亦稍後矣。雖然。被執不屈。死於其官。祀之
可也。進侯。則過矣。

寧遠總兵。掌中軍都督府。吳忠壯公襄。

少傅左都督劉公繼祖

春秋大復仇。然孰有身殉下官之難。子效秦庭之節。如寧遠者乎。今追加之典備矣。此書為前朝作。稱營宮禮也。繼祖瀛國公應元次子。守皇城象安門。聞變馳歸。大呼皇帝數聲。投井死。其妻某氏。并二妾亦從之。嗚呼。劉氏忠壯忠果。祀矣。此亦戚臣也。何以不及。則兩臣者。皆相入正祀可也。

正祀諸忠婦女

成宗毅德母。贈淑人。張氏。宗毅初以直節為烏程所忌。下獄。淑人廷對。慷慨有丈夫風。京師陷。忠毅跪母前而哭。曰。吾知汝意矣。汝死。吾何可不同難乎。乃相繼殉。

周忠武妻。贈夫人。劉氏。

劉氏。縱火先焚其居。跨馬彎弓。

率家童巷戰。從辰至未。殺傷千人。矢絕。然後赴火死。家僅無一人降者。賊恨之。屠寧武城。凡殺三十餘萬人。又曰。劉夫人勇過遇吉。弓之強。一軍莫能挽。率健婦百人上一樓。賊至。射死賊數百人。矢盡。百婦人死者亦過半。夫人舉火焚樓死。遇吉有子數歲。健丁五百人。夫人以其子屬之曰。能衝賊出。為都督全此子。幸也。五百人巷戰死。并子俱沒。無人降賊者。

金忠節鉉母。贈恭人。章氏。年八十。安王氏。

汪文烈偉妻。贈恭人。耿氏。文烈與耿恭人飲酒。題詩於壁。其給也。恭人在左。乃復下。日不可亂。夫婦次序。其從

容如此。

馬文忠世奇妾。贈孺人朱氏。李氏。

劉文正理順妻。贈淑人萬氏。妾李氏。

陳恭愍良謨妾。贈孺人時氏。

婦人以正命死者。例以節書。况國難乎。成忠毅周忠武之母若妻以下。尚矣。乃若新樂杜太夫人。率其三子婦。從容自縊。此孝純太后之靈。而思宗所以有光國史也。宜為正祀第一。以諸忠婦女附焉。

新樂侯劉文炳母。太夫人杜氏。太夫人。新樂伯效祖妻

也。三子文炳。文耀。文焰。事急。夫人服命服。登樓。懸孝純

皇太后像。名文炳妻王夫人。并李夫人。吳夫人。至。拜哭

曰。太后恩深。自此不得報矣。於樓上。作數十縷。曰。大家

一處死。命積薪其下。死。即焚之。謂文炳曰。爾疾馳去。步

一賊猶快我。謂文焰曰。爾不可從死。瀛國太夫人在。當

奉之。潛匿。且劉氏不可無後。城破皆就縊。杜六縊。李九

縊。不絕。或勸李投井。曰。同一樓死。杜太夫人命也。吾可

獨異耶。瀛國正以甲申三月為八十誕期。賊信甚急。上

猶賜金幣。其後瀛國卒以壽終。文焰居江南。劉氏訖不

絕。

尚有范景文妾。以其姓。成德妻亦張氏。孟兆祥妻何

氏。章明妻王氏。失載。

野史載宮人魏氏。費氏者。費氏見前註。死甚烈。畱以

致俟致。

附祀文臣八人。除孟節愍公。收入正祀外。

保定巡撫兵部侍郎。贈尙書。徐公標。

兵科給事中。贈太僕少卿。顧公鉉。

工科給事中。贈太僕少卿。彭公瑄。

貴州道御史。贈太僕少卿。俞公志虞。

大名副使。贈右副都御史。朱公庭煥。字中自。甲戌進士。

金忠節鉉從死第錄。

戶部郎中。贈太僕卿。徐公有聲。

保撫死亂兵矣。然其人有殉國之志焉。不幸遇變。祀之可也。金忠節之有弟殉兄。其義可風焉。顧公鉉以

下。非遇害者乎。當時閣臣如方岳貢。如丘瑜。皆以遇害死之稍後。故不書。他官之遇害者亦此例。惟顧彭俞三公得死。其有幸有不幸焉。尙有大臣應附祀而未及者。應補入。

寧武道。王公胤懋。霸州人。辛未進士。與總兵周遇吉同死。

四川道御史。趙公謨。昆明人。被執不屈。遇害。

河間知府。方公文燿。福建人。庚辰進士。

大同督糧郎中。朱公家仕。係兵備。

順天府推官。劉公有瀾。

通州知州。張公經。蜀人。庚辰進士。

守國守斤守卷九

裂背寄殉冠

十

又有順天府訓導孫順。桐城人。高攀桂。靜海人。張
道。聞喜人。閻汝茂。南宮人。徐蘭芸。永平人。以上俱
生。

野史有光祿署丞于騰蛟。副兵馬姚成。中書宋天顯。
騰之祈。阮文貴。經歷張應選。毛維張。順天知事陳貞
達。儒士張世禧。及二子懋賞。懋官。備攷。

正祀諸生二人

長洲縣生員。贈翰林院五經博士。許琰。字玉重。望亭懋
柳園人。

布衣贈中書舍人湯文瓊。

又有順天諸生曹肅。與其弟時家。闔門盡節。同諸

生李若葵。一家九人自縊。是日。一門全節。肥鄉諸生

宋湯齊。郭珩。王拱宸。於甲申四月倡義。為張汝

行所殺。雞澤諸生殷淵。於甲申五月倡義。遇害於廣

平西之廣平山。應補入。

附祀武臣

成國公朱公純臣。思宗危急時。傳殊諭至閣。命成國提
督內外諸軍。托以東宮。會閣臣已出。遂置之几上。純臣
不知也。城尋破。李自成得之。故純臣被殺。

定遠侯鄧公文明

武定侯郭公培民

陽武侯薛公濂

永康侯徐公錫登

鎮遠侯顧公肇迹

西寧侯宋公裕德

懷寧侯孫公維藩

彰武伯楊公崇猷

宣城伯衛公時春

投井死

清平伯吳公道周

新建伯王公先通

安鄉伯張公光燦

右都督方公履泰

係南和魯方一元之子

錦衣衛千戶李國祥

此南中附祀武臣也。尚有武臣應祀。祀而未及者。應補入。

遂安伯陳公秉衡

保定侯梁公世勳

豐城伯應襲李公開先

皆被執。不屈死。

大同總兵朱公三樂

昌平總兵李公守鏞

都督周公鏡

係烈后之弟。夫婦同自縊。

錦衣衛僉事田弘祚

自縊死。田弘謨。被殺。皆戚臣。弘暹之弟。

援勦總兵劉應昌

隸南樞史。可法標下。賊急。率兵勤王。

行司

裂皆奇殉

至揚州九龍橋文信閣祠下。開變。望闕遙拜。於橋下死。

野史有錦衣衛官王國興。李若珪。高文宗。附載。

正祀內臣

總督京營太監王公承恩。謚忠愍。隨先帝自縊。

前司禮監太監李公鳳翔。謚忠壯。城破自殺。

附祀內臣

王公之心 高公時朗 褚公憲章 方公正化 張

公國元

保定死事諸臣

京師陷後。賊黨偽制將軍劉芳亮。以三月二十四日

攻陷保定。閻郡死。

光祿寺少卿張公羅彥。大書官爵姓名於廳事之壁。驅

妻妾幼女及子婦於井。而後自經。有三大守之不去。噉

一跣足。賊絕其拇。賊大駭。乃埋之。

觀政進士張公羅俊。羅彥之兄。守東城樓。城陷。從衆中

擊賊手刃脫。兩手抱賊。齧賊耳血淋漓。口吻間大呼我

進士張羅俊也。聲不絕。

諸生張君羅善。有勸之走者。不可。語兩兄曰。我家有忠

臣。豈可無義士。遂投井死。

武進士張公羅輔。初謀保伯兄潰圍出。羅彥不從。城陷

羅輔射賊殺數十人。矢盡。乃馳馬橫刀砍賊。賊圍之裂

屍死。張氏兄弟五人。惟羅喆出。幸以免。

羅彥之子晉 羅俊之子諸生伸

羅俊伯母李氏 年七十四。為賊死。 羅善妻高氏 三

女從夫井死。羅輔妻白氏 携幼子二女井死。 羅彥子

婦師氏 從羅彥命井死。 羅彥妾宋氏 錢氏 當羅彥

令其妻趙氏。與二妾同入井。趙氏獨不沉。家人出之

再入。復如故。有抱晉之子華宗至者。曰。夫人死。將今

張氏無後。乃回空舍中。相扶潛出水門。入山免。張羅

士妻高氏 張羅喆妻王氏 張震妻徐氏 張龔

妻劉氏

張氏自光祿以下。閤門死者二十有三人。

監察御史。金公毓峒。毓峒守西城。城陷。一絲衣賊追毓

峒入三皇廟。毓峒奮拳擊賊。仆地。自負監軍御史印。投廟前古井死。

毓峒姪武舉金君振孫 振孫妻王氏 振孫佐毓峒

守西城。善射多斃賊。城陷。同輩或解甲匿。振孫大呼

曰。我御史金毓峒姪也。賊支解之。其妻聞之。縊。

保定府同知。攝府事。邵公宗元。宗元與羅彥先定城守

事。而後太守何公至。何以印推讓宗元。宗元守最力。城

陷。徒走下城。携印走。罵賊被殺。手持印不解。賊斷兩指

挾印去。

保定府太守。何公復。太守初授任。城已危。自知必死。而

入。因城守先定。故不受印。以讓邵公。城將陷。西北樓火

發。公奮氣。親昇西洋砲。因墜遂焚死。

後衛指揮劉公忠嗣 忠嗣妻毛氏。子婦王氏。忠嗣妹

楊千戶妻劉氏。忠嗣女劉氏。忠嗣與宗元羅彥。實主城

守事。先城未被。於二十三日。手以弓弦逼諸婦女自盡

身仍登陴。抗賊。城破。被執。賊索印。忠嗣怒。叱咤奪賊刃

殺兩人。力盡受縛。剜目刺鼻死。

左衛巡捕指揮文公運昌。妻宋氏。運昌與忠嗣同守

城。城陷。夫婦携手投井死。

邠州知州韓公東明。子仲淹。東明具衣冠望闕拜畢

辭祖先投井。仲淹射賊墜城死。

平涼府通判張公維。罵賊不屈被殺。

舉人高君涇 死於水。孫君從範 被殺 張君爾輦同妻唐

氏死

貢生郭鳴世 手擊賊死之 諸生賀誠 衣巾同妻女死。何

一中同妻趙氏死

王之珽同妻齊氏。暨三子二女俱死。韓楓同妻王氏

死。

又內臣方公正化。故保定總監。城將危。奉命復至。守甚

力。賊將上。以頭觸城大哭。為亂兵所殺。已見內臣附祀

中。

右諸人皆與城俱亡者。尚有城破後。為劉芳亮所執

不屈。被殺者四人。

工科都給事中尹公洗。舉人劉君會昌。貢生王聯芳。諸生王世琦。

初自成以保定堅拒。議出師。既陷。猶欲屠之。有勸以保定守於京師已亾。此忠義也。何可盡殺。乃止不屠。芳亮仍執給事尹公等至。皆大罵不屈死。芳亮懸賞購羅彥毓。嗣子弟之存者。郡人莫應。得毓。嗣姪肖孫。問毓。嗣子所存。備極炮烙。終不言。賊釋之。竟以免。

思宗命李建泰督師也。以御史金毓。嗣監其軍。毓。保定人也。保定總兵馬岱。聞之。介而見。光祿少卿張羅彥於家曰。賊今兩路來。任禎自固關。劉芳亮自河間。吾當出鎮蠡縣。以待敵。請先殺妻子而決死戰。其

守一在公等。羅彥曰。諾。旦日。岱果焚其妻孥十一口。率師去。羅彥乃同兄觀政進士羅俊。弟武進士羅輔。與攝府事同知邵宗元。計事。邑紳尹洗。韓東明。張維綱等。武臣指揮劉忠。嗣文。運昌等。舉人劉會昌。孫從範。張爾。翬。高涇等。貢生郭鳴世。王聯芳等。諸生賀誠。張羅善。王世琦。何一中。王之珽。韓楓等。皆會糾鄉兵得二千人。南刑牲盟北城上。而真定反書聞。副將謝嘉福。殺都御史徐標。遣人出固關迎賊。我城中出偽牌分汛設守。部署粗有定。會總監方正化。太守何復先後至。正化舊守保定有功。素善羅彥。因以識邵公。於號令無所更。而何公之爲守也。誓必死而後入。以

城守事先定。因以印讓邵公。曰：吾當同死耳。不可臨敵易主者。搖視聽也。大會諸生。講見危授命章。聞者爲之益奮。督師李建泰。道散所齎帑銀已數萬。衛者止親軍五百。退師抵城下。守者不納。賊將劉芳亮漸逼。建泰命其中軍郭中杰、李勇。因毓峒以求入。羅彥宗元不得已而後許。既入。明旦芳亮至。呼城下。何不降。張羅俊顧其下屬聲曰：苟欲降者。取我首去。劉忠嗣撫劍曰：有不從張氏兄弟守者。劍砍之。怒目髮上指。衆聲諾如雷。賊驚顧。退五里而舍。是月二十日也。明日賊大至。環攻。中有人從正化所至者。傳曰：京師陷。羅彥宗元哭曰：曩止城守。今則復君父仇矣。各飲

泣北向拜。又羅拜。重訂盟。毓峒大出銀牌懸之。環羅彥可人私財佐賞。賊穿城濠。涸其流。伐木治攻具。二十二日。大攻西北。既。宗元奮殺賊無算。賊射書入城。說以國亾誰與守。建泰得之。以示正化。復曰：宜爲一城生靈計。得一用印文書。足以免。正化泣不應。復曰：太守未嘗受印也。即有印。太守必不爲。乃召宗元。宗元至而顧視其肘曰：曩者何公讓印。而某不辭。爲城守先在我耳。今事急。且與印同死。即何公爭。亦不與。肯以送閣下。印降書耶。某江南一老貢生也。下吏薄祿。不肯北面事賊。公大臣受重任。不圖報萬一。乃爲趣降。獨不念皇帝親祖正陽門。君臣相別時乎。建泰

語塞其從兵叩刃欲殺宗元奪印宗元擲印於地拔佩刀自刎左右力持之俄而羅彥毓峒馳至取印強以納宗元懷中曰亟上城禦賊是日也賊遠城大詬張吏部礮之飛入城者蔽天着人多死守者猶不懈至廿四日巳刻賊火箭中城西北樓何太守焚死正化爲亂兵所殺火光中見白甲黑纓者殺人云督師親軍反城遂陷賊入羅彥毓峒皆殉節尹洗等被執不屈見殺惟建泰降劉芳亮居二日率降者去留偽將張洪鎮守張洪之收諸下邑也保定總兵馬岱居蠡縣自焚勿殊洪傳而致之以將斃故得脫尋爲僧不知所終。

保定陳僖者奇士也所葺甲申上谷紀事甚詳今採而錄之具如前其餘殉城者世職指揮則有劉洪恩戴世爵劉元靖呂九章李焯李一廣千戶則有楊仁政李尙忠紀勳趙世貴劉東源侯繼光張守道百戶則有劉朝卿劉悅田守政王好善強忠武王爾祖若而人職官散官則有守備張大同子之坦戰死副總兵呂應蛟縊死武進士陳國政井死忠順營中軍梁儒秀把總申錫郝國忠中衛鎮撫管民治主簿沙潤明材官王尊義醫官呂國寶王鑛王之瑄殺死若而人文學則有杜日芳王紘馮澤王胤嘉吳棫韓廷珍楊善舉何光岳韓紹淹顏學會王敬嗣王繼棧趙居

晉王冒祚孫誠趙世珩楊拱辰王建極阮積學王世
珩王致中周之翰若而人義民得知姓名死狀者則
有劉宗向不屈迎刃死田仰名與田自重約互殺其
妻城破仰名殺自重妻羅氏自重殺仰名妻曹氏二
人同縊死楊繩子刃賊勢屈勿死張加善不屈縊死
鄭國寧擊賊不克李懋倫罵賊王捷張智劉養心朱
永寧胡來獻胡得銀俱殺死儒士劉士連不屈王景
曜罵賊射死黃棟火箭燒死烈女殉節者陳儂自爲
陳氏節傳曰儂王母張宜人母楊氏妻常氏妹文學
金墨妻陳氏於廿三日同辭家廟集後園誓井待城
陷張捧誥命楊一手挽媳常一手挽女并侍婢四人

抱弟子甫週歲隨之俱井死閤門殉者九人又爲高
氏節傳諸生高植妻王氏舉人高杜妻劉氏城將破
叩請公始誓死賊入同縊其餘縊死者則有錦衣衛
千戶賀詩妻霍氏等十一人井死者則有進士王之
綢妻張氏等五十二人其死箭死水死刃者不可勝
數城內屍枕藉溝壑填滿僞官舉之三日不能盡蓋
閤郡殉之云。

南中政事無可書當以褒忠之典爲正雖然猶有失
者一曰國論一曰野史阮大鍼張孫振以小人竊柄
幸君父之禍快已私假借東南一二不死者構大獄
將以剽刃其餘范文貞倪文正李忠文其所不得已

而追崇之者也。附祀以下。則惟所倒置矣。武臣之濫祀。則誠意忻城爲之也。內臣之濫祀。則在南諸璫爲之也。此國論之偵錯也。山東河南大亂。奏報斷絕。一流傳。半出於間關者之口矣。吳人好以恩怨爲增飾。優俳小夫。又以猥談瑣語。竄入其中。莫甚於甲申紀事一書。苟不亟爲駁正。則遠方存疑。後生惶惑。信史之大害也。若夫有冗官而死者。有處士而死者。保無死焉而不必其覈者乎。又豈無死焉闕而不書者乎。此野史之紕繆也。余之論次北都。益以寧武宣雲者。當時之所定也。宜雲之應附祀者。何以書。曰。君子從其同焉。保定則去京師之亾也。五日矣。越之敗也。

樓會稽。齊之敗也。莒卽墨不下。彼燕代靡然而從者。聞保定之風。亦可以少媿也哉。

豫

文臣自督府以下。死事者四十一人。

三邊總督傅宗龍。死於項城。十四年五月。死於闖。

陝西巡撫汪喬年。死於襄城。十四年十一月。死於闖。

保定總督楊文岳。死於汝寧城南三里店。十五年閏十一月。死於闖。

河南巡撫王漢。被逆趙殺於永城。漢初授河南縣。時河北十九州縣。盜大起。惟漢大得民心。殺土寇。殆盡。單懷之間以安。

分守河南道副使王胤長。雒陽城陷。被傷。賊退數日。死。
分巡大梁道參議李乘雲。力守禹州。登城血戰。連誅數
賊。力窮被執。罵賊不絕。身受支解。口呼皇天。舌折殞命。
乘雲。高陽人。乙科。

睢陳兵備道僉事關永傑。守陳州。力竭猶手斬三四賊。
被賊面一刀。背一鎗。搥死城下。尙舉手指賊。罵不絕口。
被賊殊其首而死。永傑。字人孟。隴西人。辛未進士。長身
赤面。極類民間畫關壯繆像。自言實壯繆後。其列國有

風烈。十五年三月。死於闕。

道僉事艾毓初。被賊殺於南陽門城內。米脂
人。辛未進士。字孩如。

分守汝南道僉事王世琮。被賊執。罵不屈。與保督同時
遇害。世琮。達州舉人。

保定監軍道任棟。力解汴圍。因左兵潰陣而死。棟。永壽
人。貢生。

蔡督監軍同知孫兆祿。死於襄城。

開封府同知蘇茂均。管糧通判彭士奇。倉大使徐陞。稅
大使閻生白。皆死。士奇。舉人。

通許知縣費令謀。城破投井死。令謀。鉛山人。舉人。新任
甫四十日。力不支。召父老曰。我死。則爾輩可全。端笏北
向拜。投井中。次日。賊得之。其面如生。

太康知縣魏令望。舉家自焚死。令望。武鄉人。庚辰進士。

尉氏知縣楊鵬。城破罵賊死。鵬河津人。舉人。

涪川知縣柴存禮被賊殺。江山人。貢生。

鄆陵知縣劉振之。罵賊被磔。慈谿人。舉人。

陳州知州侯君耀。賊繩縛其首而膝不屈。罵不絕口。引

頸受戮。君耀。咸寧人。辛酉舉人。

西華知縣劉伯謙。抱印投井。

商水知縣王化行。被賊殺。

商水再陷。知縣姚文衡。以新任。投水死。

許州知州王應翼。襄城知縣曹思正。皆被賊殺。應翼。京

山舉人。思正。岷州舉人。

歸德府同知顏則孔。推官王世瑋。皆死於賊營。則孔。沂

州人。貢生。世瑋。清苑人。丁丑進士。

鹿邑知縣紀懋勳。城破自殺。膠州舉人。

河南府知府亢孟楡。罵賊死。臨汾舉人。

偃師知縣徐日泰。為賊所執。被磔。金雞人。貢生。

宜陽知縣唐起泰。永寧知縣武大烈。皆被賊殺。

靈寶知縣朱挺。死於賊營。

南陽知府顏日愉。城未破時。先被賊殺死城上。

新城知縣丘茂。袁賊破城殺死。

汝寧知府傅汝為。投西城濠死。通判朱如寶。與楊保督

王巡道同遇害。汝為。江陵人。甲戌進士。如寶。咸寧人。

汝陽知縣文師頤。被賊殺。廣西人。舉人。視事甫二日。賊

已至。誓死守。竟以殉。

遂平知縣劉英。死於城北劉家橋。英貴州貢生。十三年為遂平令。自成犯豫。所向無堅城。英鼓勵士卒。嬰城自守。

河南巡按蘇京奏曰。臣前於補收六款題明狗難官紳。奉旨准行優卹。看臣開列來看。臣嚴咨博採。約畧二百四十九人。臣捐俸三百兩。并各官所捐。令祥符知縣董之侯。建祠致祭。謹列姓名備覽。京疏如此。以今所傳。尙少二百人。蓋先列女臣。自將吏紳。矜以下。邸抄勿錄也。今就見聞以補其闕。

文武大臣殉難者。

南京吏部尙書。贈太子太保。再贈太傅。呂忠節公維祺。十四年正月。公守洛陽北門。縋家將下關。殺十數人。城陷。北向慟哭。瞋目罵賊曰。吾天子大臣。死不媿天地。不愧聖賢。夫復何恨。而伸頸受刃。容自若。

鎮守南陽總兵。猛公如虎。十四年十一月。公先以計殺賊精兵數千。已而進門陷。持短刀巷戰。手及袍袖有血數斗。過唐府園門。北向叩頭謝恩。自稱力竭。為賊殺。

援勦保定標營都督。姜公名武。岢嵐人。崇禎十五年。與賊大戰於朱仙鎮。七日。力竭死。贈特進榮祿大夫。左都督。

州守縣令以下死事者。

鄧州知縣李公貞佐。貞佐安邑舉人。率士民堅守。城破賊縱兵大殺。貞佐厲聲曰。驅百姓死守者。知縣耳。安殺何為。李自成褫其衣冠。倒懸於樹。貞佐大呼曰。高皇帝有靈。我必祈上帝以殺賊。賊斷其舌。副之。母喬氏。及妻俱死。

鄧州知州史記言。八年十月。混十萬老獍。等從靈至鄧州。大登城。記言被執。罵賊死。

弘農衛指揮掌君錫。手殺兩賊而斃。訓導王誠心。邑紳教諭姚君弼。指揮楊道泰。阮我疆。鎮標陳三元。俱遇害。

鄧州知州孫澤成。掖縣舉人。十年二月。土賊張三崇。今

張獻忠陷鄧澤。盛與同知薛應齡出戰。死之。

鄧州知州劉振世。賊再陷鄧州。振世與吏目李國璽死之。

鄧州死難者八人。余承蔭。千戶戰死。李錫。千戶井

死。丁一統。諸生。殺三賊而死。張五美。諸生。被賊別日

去齒而死。王鍾王之章。俱死。海寬。戰死。傅彥。被賊支

解死。

鎮平知縣鍾其碩。陝西成縣人。內鄉知縣龔新。山西

舉人。舞陽知縣潘弘。山陽貢生。魯山知縣楊呈芳。山

海衛貢生。寶豐知縣張人龍。連化貢生。葉縣知縣

張我翼。涇陽舉人。城陷皆為李自成所殺。

舞陽陳氏一門死難。陳預抱。陳預養。陳預懷。兄弟皆諸生。事孀母以孝。十三年。聞城陷。母氏投井。率其妻子從之。

泌陽知縣王士昌。城陷。爲張獻忠所殺。雲南舉人。

新安知縣陳某。守關門塞。自成攻之。三日始拔。怒。盡屠

其民。陳公大呼曰。守塞者知縣耳。百姓何罪。賊饒之。百姓幸免者三十二人。皆圖其像祀之。

上蔡知縣許永禧。曲沃舉人。十五年。李自成攻上蔡。先

脅降。不從。城陷。具袍笏北面再拜。據案秉燭端坐。賊近乃自刎。

天平知縣高斗垣。繁時人。貢生。十五年。寇陷西平。被執

不屈死。

真陽知縣王信。真寧人。貢生。十一年。單騎出撫土寇。會

流寇數萬掩至。被執。欲挾以誘真陽羅山。信不可。遇害。賊搶其首去。邑諸生田育。率鄉勇追去。獲其元如生。贈光祿寺少卿。予特祠。

商城知縣張國光。大興舉人。十六年。知商城縣。撫集荒

殘。不遺餘力。城北都陷。從容具衣冠曰。主辱臣死。予雖小臣。請從先皇帝於地下。遂自經死。

信陽知州高孝。江都舉人。十四年。知信陽。城陷。不屈死。

固始朱臯。鎮巡檢郝瑞。日秦人。十五年。以巡簡署羅山

縣事。踰月。李自成偽官張其正。土寇萬朝勳與之合。執
瑞日勝降。不從。朝勳夜置酒。羣賊皆醉。瑞日半夜持匕
首殺朝勳。斷胸。故吭。因懷印走。將以投鳳督。遇雨不能
進。復爲賊所執。賊愛其勇。欲留之。瑞日曰。我殺賊爲國。
自分死耳。肯降爾乎。遂爲所留。并從行。二童子俱死。

汝寧游擊朱崇祖

汝陽人。初以軍校爲豫撫玄默所知。

戰磁州。通州有功。殺土寇殷守祖等。皆其力。城陷。與妻
孫氏登樓自焚死。

汝寧千戶袁永基

性剛直。有才能。讀書尤精天文占驗。

守南城。賊登陴。猶手刃數賊。歸與母王宜人訣。取甲出。
短兵巷戰。次子世亂。并家丁三人。皆與難。王宜人投井。

死

保督麾下副將馮某

楊文岳之大將。虎大威。先汝寧未

破。攻上寨。中砲身死。自戕。攻汝寧。惟馮副將隨文岳。在

南湖力戰。勢屈自刎。

西關叅將王某。北關副將趙某

自成攻汝寧。兩將力戰。

勢不敵。自焚營寨。斫馬自刎。以上三人。各書。並失其

名

又有汝寧千戶劉懋勛。楊紹祖

戰死。百戶葉榮蔭。守

南門死。承德

守西門死。

李衍壽

閻忠國

守柵死。

尚有汝寧千總王基。蕭承運。於八年與賊戰死。東門

千總張惟敬。數勝賊。被斫馬下。取其元。以去。

寄園寄所寄卷九

裂背寄殉寇

五

汝寧士民。則有監生趙得庚。楊道臨。黃鼎雲。

貢士林景暘。生員趙重明。費明棟。楊應禎。楊應祥。

吳秀。李璣。楊鑣。張經訓。馬獻書。李士諤。音死。郭正誼。

負母求脫。被刃。趙得唐。胡端。馬駿。馬賊被殺。

邑紳孝廉之死事者。

都察院左副都御史楊公所修。字修白。商城人。萬曆庚

戌進士。崇禎十四年。寇攻商城。守西門。城陷。死之。名在

逆案。

通政司通政李公夢辰。字元居。睢州人。戊辰進士。

巡撫宣大右副都御史張公繼世。寧陵人。進士。

翰林院簡討馬公剛中。字抑伯。商城人。甲戌進士。由大

同推官考選。以乞假歸。十五年。獻忠攻城。率義勇登陴。力戰。有勸之去者。剛中曰。我誓與此城存亡。諸為此言。

可斬也。城陷。遇害。

戶部主事崔公泌之。字卜定。鹿邑人。乙丑進士。

陽和道副使洪公胤衡。商城人。萬曆丙辰進士。守商城

北面。力戰。遇害。

臨汾知縣張質。商水人。

懷仁知縣楊士英。西平人。思貢。罵賊。并其子婦王氏亦

死。

附見

州殉難者。有都司張守正等十人。鄉紳魏完真等

守司守所守卷九 續晉寄殉寇 五

人。生員李文鵬等百四十五人。武生王應鵬等十人。省祭官王有威。義民馬王書等五百餘人。節婦王氏等二十八人。

長葛典史杜復泰等二人。鄉紳舉人孟良屏等十一人。生員張範孔等五十九人。烈婦戴文妻王氏等十人。

臨潁千總賈蔭序。襄城典史趙鳳。俱嬰城固守。力竭死。

項城教諭王君多福。息縣人。拒偽職不受。為書誠子。自縊死。

陳州舉人王受爵。手刃數賊而死。沁水舉人張泊。載馬

德茂。巷戰死。歸德舉人徐作霖。吳伯裔。吳伯胤。皆負才名。為賊所殺。

汝寧舉人王調鼎。十年為賊洪用所殺。

同時諸生李梅先。趙純。趙朴。李甲。被執。罵賊。義民馮玄之。兄翁。率鄉勇力戰俱死。

內鄉諸生許宜。許霖。許宮。倡義入鄧州。執偽官。堅

守許家寨。賊攻破之。霖與生母常氏。相從入井。宜與宮皆死。宜妻鍾氏。霖妻陳氏。自經。妹許氏。罵賊被殺。事聞。

贈宜。霖。宮。皆知縣。人稱許氏七烈。

附見

劉時寵。上蔡人。事親孝。父宗禮。以城陷。年老不能去。

自殺。而命特寵以逃。特寵仰天大慟。刺殺其一子三女。而夫婦俱自殺。其已嫁之妹亦死。

朱耀 固始人。與其父允義。兄炳思成皆勇敢。崇禎八年。寇圍城。耀父子力戰衝突。賊乃退。九年。耀身自斬。賊數十。閉重圍。爲賊所擒。大罵不屈而死。父與兩兄憤。踴復仇。賊大敗。固始乃全。

又副將劉國能守葉縣。李萬慶守襄城。城破。不肯從賊。死甚烈。萬慶。贈都督同知榮祿大夫。立祠襄城。國能。萬慶皆降將。國能卽飛虎。萬慶卽射塌天也。又降將掃地王張一川。擊歎賊破擒。賊尚之。

汴之亾也。以水。故不載。維陽福邱在焉。賊得其費。以

號名中原。此興亾之所繫。固當以維陽爲首。呂尙書以官以節。法應特書。故先之也。猛將軍則其子先捷。前死於開縣矣。視曹少保周忠武。何多讓焉。或曰。邑紳武臣。則旣補之矣。李貞佐鍾其碩等。邑令也。臺使者何以弗錄。則未知其遺之與。抑予或過於所聞也。君子之聞人善也。寧存而勿論。無棄而勿信。有忠厚之道焉。故筆之。

秦

真寧襄樂二戰。死忠者二人。同死者一人。

大同總兵都督同知贈太子少保曹公文詔 八年七月公以三千人。與賊戰於真寧之湫頭。斬級五百。乘勝突

追三十里。為賊騎數萬所圍。力屈轉鬪。拔刀自刎死。道擊材官沒者二十餘人。事聞。贈太子少保。蔭一子。指揮僉事世襲。

副將艾公萬年 與賊戰於寧州之襄樂鎮。中伏被圍死之。

副將柳公國楨 與萬年同沒。

大臣兵敗赴陣死事者一人。

兵部尙書三邊總督兼制應鳳江皖豫楚川黔軍務孫公傳庭 十六年十月。郝縣之敗。公固守潼關。關陷。公退屯渭南。賊攻渭南破之。公策馬陷陣死。公妻張夫人。於西安破日。率二女六妾沉於井。揮共八歲兒。踰垣避。有

老翁收育之。公長子世瑞。重趺入秦。得夫人屍。貌如生。老翁歸。以翁相扶還。見者泣下。

同死者一人。

叅軍喬君遷高 定襄人。

西安城陷。職官死事者六人。

巡撫陝西都察院副都御史馮公師孔

按察使黃公綱 綱字季侯。汝寧光州人。天啓壬戌進士。

初以蘭州兵備。曾破李自成於山中。由洮岷道陞按察使。西安陷。賊誘以重爵。正色不屈。赴井死。妻王淑人先自盡。事聞。贈太常卿。諡忠烈。其子黃彝先。以乙亥光州陷。巷戰死。

長安知縣吳從義。瀕天人。庚辰進士。

指揮崔爾達

秦府長史章世炯

西安鄉紳孝廉死難者。

禮部尙書渭南南公企仲。萬曆庚辰進士。年八十三。過

害。

工部尙書南公居益。企仲兄師仲之子。被炮烙死。

禮部祠祭司主事南公居業。企仲子。甲辰進士。被炮烙

死。

右副都御史三原焦公源溥。罵賊斷舌而死。

宣大巡撫焦公源清。不受偽官死。

御史王公道紀。

叅政田公時震。才受偽職死。

副使祝公萬齡。冠帶至斯道中天院。拜孔子。自縊死。

僉事王公徵。七日不食死。

誥封都察院。朱公常德。

舉人席增光。朱誼泉。俱投井。誼泉係宗室。

又都司舍人丘從周。從周長不滿三尺。醉罵自成曰。

若小人據王府。日追鄉官餉。滅不久。自成亦不殺。曰。

此酒鬼持去。時天寒。其下棄之於地。以凍死。或云姓

戴。祭爾致。

屬城道臣以下死者

守國守戶守卷九

裂昔奇殉寇

三

商維道黃公世清。隰縣人。甲戌進士。商州陷死之。

渭南知縣楊暄。山西萬全衛人。庚辰進士。暄初與蔡教

官同守東門。舉人王命誥先自成未至十里迎之。因開

東門以應。城破。索印不與。擒之。至。不屈。大罵。并蔡教官

俱被殺。蔡遼東人。命誥尋以事被劉宗敏笞掠。欲殺之。

自成不許。後用為兵部尚書。其父亦舉人。先朝為忻州

知州。賊敗後。為兵所殺。命誥遁去。

蒲城知縣朱一鏡。抱印投井死。

中牟知縣朱新鏞。中牟初未破。知大勢不支。妻妾死。城

陷。乃自縊死。

鳳翔知府唐公時明。時明字爾極。固始人。萬曆戊午經

魁。誓守鳳翔。有典史董尚寶內應城陷自成遣牛金星

誘降。又令尚寶說之。大罵不屈。自縊死之。次日尚寶發

狂暴死。人謂時明陰擊之云。

平涼知府簡公仁瑞。

崇信知縣龐瑜。公安人。甲戌年死。難者。

榆林文武大吏死忠者七人。秦人作七忠烈傳。

兵備副使都公任。祥符人。癸丑進士。城陷。引佩刀自裁。

總兵王公世國。為賊不屈。死之。公提督將軍威之子也。

總兵尤公世祿。不屈罵賊。死之。其歷官見前。

總兵王公世臣。不屈罵賊。死之。乃世國之弟。

總兵李公昌齡。西涼勳屬。僑居其地。不屈罵賊。死之。公

故延綬總兵也。

總兵劉公某。罵賊被磔。史失其名。本中協副將。為憲副。彝鼎子。

總兵惠公顯。被執。過神水。仰醜而絕。本左協副將。從諸生起家。

又副將尤翟文 常懷德 李登龍 張發 楊明

游擊孫貴 尤養峴 守備白慎備 李宗叙。皆以

廢將守榆林死之。

守將則遊擊傅總潘國臣。李國奇。晏維新陳興。劉芳

劉廷傑。文侯國。守備尤勉。惠漸。賀大雷。楊以偉。

榆林衛指揮李文焜。李文燦等。皆守城遇害。

慶陽官紳死者四人

副使段公復興

推官華公居聖

寧州知州董公琬

邑紳麻公億 字三軒。萬曆丁未進士。官至太常少卿。

耀州鄉紳

太常寺卿米公師襄

固原鄉紳

江西巡撫張公鳳翮

甘肅死難者

巡撫甘肅林公日瑞

守備守斤守

裂皆寄殉

同難有副將郭天吉。鞏昌監牧同知兼監紀甘州軍
事藍臺。字輝夕。山人貢士。

州紳羅俊傑。趙宦。

中軍哈維新。姚世儒。

附見

崇禎七年固原道陸夢龍

閏八月二十五日。賊圍靜

寧州。夢龍來援。兵敗死。

八年咸陽知縣趙躋昌。八月城破被殺。

又扶風知縣王國訓。城破死之。失其年。

夫賊始於秦。終於秦。今以死事觀之。是何秦人之多
也。當曹少保之與賊戰晉中也。尤世祿曾爲大將而

不效。今與兩王劉李同時不屈。此皆世將之胃。語曰。
不墮家聲。諸公有焉。世傳孫督師以軍興法。爲秦父
老所怨。又何以流離急難。秦人匿其孤以免也。斯非
施德於秦之驗乎。焦公罵賊。兄弟同死。南公以下。一
時赴義者數人。嗚呼。豈可謂秦無人哉。

晉

大臣死事者一人

巡撫山西提督雁門等關都察院右副都御史蔡忠襄
公懋德。十五年。晉饑。土寇王綱者恣甚。公至。定其遺孽。

五臺交山。諸寇俱盡。李自成之破潼關也。公以八月至
平陽防河。十月。廷議以公儒者。非戡亂才。詔以郭景昌

代之。賊急，有勸以解任自便者。公曰：吾平日講學，頗識死生大義，今安危呼吸之秋，忍去之乎？縱新撫至，亦與同殉封疆耳。其再從太原出師救平陽也。諸將難之。公曰：吾固知力不敵，但不救平陽，逆賊長驅，無險可守。吾總辦一死，與其死於賊，不如死於戰。已而晉王及士民擁馬不能前，皆泣以守省城為請，乃止。

同死者四十餘人

布政趙公建極罵賊不屈死。建極字生同，河南永寧人。己未進士。其家守王范寨，寨破，為自成所屠。建極五十皆死。太原亾家仇國怨，一時并集，故建極罵賊尤烈。趙氏一時盡矣。

按察司副使兼叅議督糧道蘭公剛中，字但生，山東陵縣人。辛未進士。以常博授南垣。十六年，陞今官。十月至大原，撫臣蔡公方駐師蒲阪，公分城東。同諸司道設守甚力，以陽和標兵三千之調防省城者驕蹇，慮為賊應，強之移南門外，城中以安。十七年，河東望風數潰，獨汾州道范士髦斬叛待援，而公與蔡公三斬賊吏為守具。賊於二月六日攻太原，明日南關外城陷，果陽和叛兵應之也。公在城上殺賊數十。會夜陰曠，大風沙擊面，公臂力，力甚明，張雄引賊入，公浴而未絕，被執，大罵，次日遂被害。元復躍起火，餘賊衆驚愕辟易。

冀寧道僉事吳公拱辰，萊陽人，丙辰進士。

髮皆寄殉寇

副使毛公文炳，鄆州人。戊辰進士。

釋將牛勇。朱孔訓。王永魁。先期陷陣死。孔訓初與勇同出戰，破傷，城破死。

中軍應時盛，先殺妻子，而後與蔡公同縊。

當張雄之投賊也。拔刀向時盛，而先伏人焚城樓。火藥時盛叱而追斬之，不及。藥焚，風狂火烈。時盛見大勢已去，乃至南城，擁公上馬，自西城下，遇賊巷戰。擐甲持矛，左右衝突，迴顧不見公，遂單騎潰圍出。俄而過公於道中，公已棄馬仗劍立。時盛曰：何棄馬為？公曰：諸將欲擁我奪門，我應死，去將何之？諸將以公下馬不肯行，乃擁巡道場，本嶺，奪西門出。黎志陞時為

提舉，賊用為禮部侍郎。

時盛曰：吾義不負國，以負公。乃扶公至三烈祠，解其袍帶，以為公縊於東梁之左。憂其身輕，取已鐵鎧披之。乃絕。時盛向公再拜，而自縊於東梁之右。是日也，盛手擊殺數十人。賊辟易，無敢當者。又先期令妻子自殺，而後與公同殉。誠所為烈丈夫哉。凡忠義之忠，應將成之也。

賊之將渡河也，以三道進，下流則繇蒲阪趨平陽，中流則繇延趨汾，上流則繇樓煩趨寧武。賊初破潼關，則平陽為急。比榆林延綏繼陷，則岢嵐烽火相接。勢不得不返顧，本豈得以公去。至平陽為公咎歎。

晉中止一大將。有兵萬人。而撫標不過三千。防河議起。公疏以賊聚而攻。我散而守。爲非策。寧命周遇吉掃寧武之衆。率宜雲諸將。以兵拒之於河。會其事中格。而遇吉頗以蠶撤分汛。力扞北境爲解。其後所遣二千人救平陽者。退歸駐太原之外城南關。或曰南關兵。乃陽和王繼謨所遣之標兵。非寧武卒也。賊至不戰。開門迎降。晉人頗尤之。然公嘗有書約遇吉同死。曰。萬一渡河。我死守太原以遮其東。公死守寧武以扼其北。彼欲長驅直犯。畏兩鎮之議其後。援師漸集。卽京師可以萬全。此睢陽之烈也。遇吉大以爲然。旣而兩人不負所諾。嗚呼。大勢已去。人心瓦解。不能戰則有守。不能守則有死。而公無愧於心。足矣。復何疑哉。

附見

原任都司張弘業 百戶彭鯤 晉府典仗樊子英
諸生朱霞 霞宗室也。父慎鈺。賊憐其老。欲釋之。大呼曰。奈何不殺我。延頸就刃。 樊維藩 魏遜奇 千戶司鼎 指揮劉秉鈇 馬負圖 韓似雍 原任守備申鼎欽俱死

晉府儀衛司瞿通。群牧所千戶王德新俱死。
江明北城鄉約守城。賊至。獨不去。被殺。
賊陷靈丘府。掌理朱慎鏐。宗子朱文衡。朱長安。死之。

張景維陽曲人。甲子舉人。陞光山知縣。未任被殺。

晉府宗貢朱敏來。授龍門通判。聞大原陷。封府庫圖

籍為父位。望闕遙拜。自經死。

任萬民陽曲諸生。以薦授武城令。任三年。城陷。死之

孫禛陽曲貢。任蒲州學正。投井死。

河曲諸生楊應璧河曲人。苗根子。苗純粹。趙

詞元皆以擊賊被害。

孫國顯。丙子拔貢。聞都陷。餓七日死。妾鮑氏從死。

又崇禎八年死寇難者。遼州知州李呈章。信陽人。丙

子孝廉。遼州陷。坐堂上罵賊不屈死。

又戶部郎中葛公凝秀。平定州人。甲戌進士。甲申入

月賊勦授偽官。不屈死。

江北

鳳陵之難

太守顏容暄。囚服避獄中。被執。杖而後殺之。

留守司朱國相。千戶陳弘祖。陳其忠。俱禦賊戰沒於陣。

尚有指揮程永齡等者九人。千戶盛可學等八人。

百戶上官榮等二十人。鎮撫二人。內官崔臣等

十人。俱被殺。

潁州之難

潁州知州升夢鯨。手刃賊

通判趙士寬。亦與夢鯨皆被劊投水。合門死。

潁州府志

裂皆青狗冠

三

附指揮同知李從師 王廷俊 千戶孫升 田三

俊 百戶羅元慶 田得民 王之麒

州紳兵部尚書張公鶴鳴 年八十五。賊倒懸於樹。射之

大罵不屈死。子張大同 於父屍哭。被殺。

副使張公鶴騰 罵賊死。鶴鳴之弟。

又鄉紳劉道遠 田之穎 李生白 丁嘉運 舉

人白精忠 鄭三傑 生員死者七十七人

穎州衛生員死者二十六人

和州之難

知州事黎弘業 醫學正舉人康正諫 訓導趙光遠

州紳監察御史馬公如蛟 候選運判馬如虬 諸

生馬如虹。事聞。九年正月。弘業如蛟皆贈太僕少卿。正諫贈國子監監丞。光遠贈學錄。

又有張元貞贈鴻臚署丞。張時行卜謨卜志皆贈主簿。不知死何官。備攷。

舒城之難

翰林院編修贈某官胡公守恒 戊辰進士。

蕭縣之陷

鄉紳任之彥等十六人。諸生孫思謙等五十二人。被殺。

巢縣之陷

知縣嚴覺 湖州人。貢生。

廬州之難

知廬州府太守鄭公履祥 浮梁人。丙辰進士。

原任叅政盧謙 端服待賊。刃紛加。擲尸小池。池水盡赤。

潛山之陷

潛山知縣李亂嘉 沈丘人。拔貢。被賊執。脅降不從。同典

史沈所安 仁和人。皆遇害。

懷遠龍岡集之戰

游擊朱子鳳 領廟灣兵五百。與賊數萬戰。死之。

宿松鄧家店之戰

副將程龍 火藥自殺。安慶叅將潘可大 守備贈昭

遠將軍陳於王 前防浦口有功。自刎面如生。偏裨詹兆

鵬 觸石死。王希韓 一營俱盡。陸王猷 被鬻分。黃弘猷 鋸

齒罵不絕。斷足。莫是驊 唐世龍 王定遠 周嘉

張全斌 俞之夔 顧應宗 蔣遠 潘象謙 季靖

俱死。皆贈懷遠將軍。

南京京營之敗

神機營都司徐元亨戰沒

穎州和州舒城。為江北三忠。獨張鶴鳴為大司馬時。

構陷熊廷弼。廷弼之死。成于丁相紹軾。紹軾于長安

道上。白日見廷弼歸而腦裂死。鶴鳴年踰八十。卒遇

慘難。詎可以得正而終。遂怨其生平哉。鄧家店之戰

陳於王以下。偏裨也。其贈卹為厚。撫臣張國維請之

也。其兵不足用。國維撫之以恩。故於王為之死。余吳

人也得其詳。因備載焉。

楚

武昌之難

太子太保禮部尚書文淵閣大學士賀文忠公逢聖。同死。叅將崔文榮。楚府長史徐學顏。武昌通判李毓英。全家自縊。邑紳馮公雲路。熊公雲。

承天之變

守獻陵楚撫宋一鶴。總兵錢中選。蕪守都司沈壽崇。鍾祥知縣蕭漢俱自殺。漢為令。賊戒勿殺。幽之寺。漢謂僧曰。吾盡吾道。不得沙法。自經死。

道臣張鳳翥。太守劉夢謙俱死。

黃州鄉紳副使樊公維城

罵賊不屈。洞穿死於即被門。

黃岡諸生易道沛。易道暹及其子諸生易為璉

又應山孝廉劉申錫。甲子舉人。倡義於應山。孝感雲。申錫恢復後。為賊將白旺所殺。申錫家饒於貲。養死士

百人。與申錫皆戰死。

程良疇。倡義白雲寨。恢復孝感。斬賊首二十八騎。復以

戰敗。為白旺所獲。死於安陸縣。僞令白助公守孝感

良疇以白雲寨義兵逐之。良疇方征各寨之降賊者。助

公逃至德安。請兵。與良疇戰。良疇督兵過他寨。寨破被

擒。白旺強之以降。踰半年不屈。會左良玉遣惠登相攻

德安。白旺以左兵乃良疇召之來也。遂於城上殺之。良

疇

言擒之子也。以忠捐貲守城。獻忠已登城而擊之下。城賴以全。後自成陷孝感。復同良疇恢復。奇士也。竟得以病終。

隨州初陷死難

知州王燾 太倉人。戊午舉人。

獻賊襄陽之難

兵備副使張公克儉 十四年二月。克儉已陞河南巡撫。未赴任難作。

推官鄭公曰廣

襄陽知縣李公大覽

獻賊湖南之難

湘陰知縣楊公開 廣東潮州舉人。

衡陽知縣張公鵬翼

東安知縣陳公道壽 又馮一第 湖廣甲子舉人第二

死。 煙賊入山中。會獻忠得其父乃出。強以官。大罵不屈而死。

獻賊破麻城

署麻城縣蕭頌聖死之

李自成荆襄之難

棗陽令郭裕 新塗舉人。

宜城令陳美 新建舉人。

宜城令陳美

裂背奇殉寇

學

光化令萬敬宗 南昌人。皆以破城被殺。

不受李自成偽署而死者

福州通判宋公大勛 羅雄知州蔡公思繩 皆襄陽人
以不從賊而死。

江陵舉人陳萬策 李開先 光化舉人韓應龍 強以
官自殺。

封禮部侍郎丘公民忠 城破自經。死闖賊之難大學士
瑜之父。

賀文忠醇儒。成仁取義。得之於所學。其入水不濡。若
有物守之者。天亦知其忠。况於人乎。承天之陷。賊欲
發獻陵。大聲作於山谷。乃懼而止。彼宋一鶴。錢中選。

一死不足塞責。然以與獻皇之靈。不可以莫之殉也。
亦足以贖其辜矣。劉御史送三王入粵。身返永州。固
守被執。題詩驛壁而自縊。抑何其從容與。此吾所為
書其官。書其地。書其事。其死各有不同也。蔡道憲。徐
世淳。郝景春。阮之鈿。徐學顏。崔文榮。此六人者。殉義
慷慨。雖古之烈士。何以復加。固當光於前史矣。抑吾
又有疑焉。楊嗣昌未始不為盡瘁。獨其薦熊文燦以
倖解免。向後遂至誤國。後世棄其力而思其罪。則嗣
昌戮餘也。安得謂之以死勤事乎。賀文忠以篤謹而
得正命。揚武陵以懷詐而被惡名。不然。以彼生平。詎
由宋一鶴之下。而不得列於死事。吾見言者責之太

過故於紀楚也。表而出之。欲以服其心也。

蜀

十年流寇入蜀之難

昭化知縣王時化

贈尚寶丞

劍州知州徐尚卿

贈參議

郫縣主簿張應奇

贈按察司知事

金堂典史潘夢科

贈

將仕郎

廣元破。守將總兵侯良柱陣亡。

十三年流寇入蜀之難

楚將汪之鳳與賊戰於土地嶺。死之。

蜀將張令與賊

戰於黃九灘。死之。

參將劉士杰與獻忠大戰於開縣

士杰及游擊郭開猛先捷皆戰死。

巴渝之難

舊撫陳公士奇

鎮海人。乙丑進士。

知府王公行儉

宜興人。丁丑進士。

巴縣令王公錫

成都之難

巡撫四川龍公文光

馬平籍。雒容人。壬戌進士。

監察御史劉公之勃

字安劉。陝西寶鷄人。獻賊以之勃

同鄉。欲用之。之勃勸以不殺百姓。既免。勸以收邪歸正。

濟危。世不從。即大罵求死。

成都推官劉公士奇

字映寰。南海人。辛未進士。當之勃

與獻忠語。而士奇不從。後大呼曰。此賊也。公不可少

行

製書齋

四

自屈賊執之。士斗又返顧之。勃而語如前。其死最烈。

成都知縣吳公繼善 太倉人。丁丑進士。

華陽知縣沈公雲祚 太倉人。庚辰進士。之勃士斗被縛

雲祚諸同死。遂遇害。

仁壽知縣顧公繩詒 吳縣舉人。

資陽知縣賀公應選 字繼登。丹陽人。甲子舉人。賊破資

陽。執之。不屈。處之別管。至乙酉冬被殺。十七日俱死。

總兵劉公佳胤。

邑紳太常寺卿黃公伸

戶科左給事 吳公宇英

偏沅巡撫西充李公乾德

當巴縣之陷也。邑紳有童思聖者。請降。賊令之於其
同年刁化神。化神得書不至。思聖仍被殺。夫以賊之
強暴。腹心左右嚴錫命且不死於死。而他人尚苟免
求全。徒取僇辱。此尹太常之罵賊不屈為得死所也。
李西充初以沅撫破賊。既入蜀而聞其父被害。而與
袁韜起事後率其弟升德同赴水死。則獻忠之滅也
已歲。然乾德始終與獻賊為仇讐。而汨羅之投。又以
滇兵復出。為獻賊餘黨。則其死事。安可不書耶。瑞王
之被難。關南道陳羽白亦以從王遇禍。以秦則非其
地。以蜀則非其官。故弗及也。

附記

死事之表章固矣。其不死者責以大義可也。世俗流傳好用私意相增飾。如甲申紀事者出於小說家之口。尤失實不紀項水心煜者。居家無循行。爲公論所薄。在朝累以詭激市仇直聲。按賊本三月十九日破京師。水心於四月十八日已到陪都。嗣君卽位。身與拜舞之列。因向朝士述在途毀形易服狀。爲南臺陳御史所糾。其月日可攷。據當時欲以污僞署殺之。以彼棄妾與孥。萬死南還三千餘里之遠。不一月重蘭而至。不知更有何地何日可以從賊。黃石齋先生正告南中用事者曰。唐天寶之亂。從王爲上。自拔次之。若水心者何罪。余親聞其語。深服以爲篤論。周介生

鍾者。不足以副其名。爲人乃友弟篤厚。不死實大負生平。與衆同罪。更復何辭。乃元宋紅巾蕩舜湯武等語。見載輟耕錄。遽以之入爰書。行大法。讒口嗷嗷。此何說乎。跡其禍本。劉澤清曾金幣聘之。不應。介生有季弟曰鎔。嘗同飲阮懷寧家。壞坐大罵。介生不爲謝。以此兩人切齒。衆傳成其獄。李舒章震爲詩弔之曰。亂世身名可自由。恨君不及鄭台州。劇秦新論何曾草。月旦家評總批仇。汝南中從兄弟。晚歲睚眦不合。急難乃緣飾。譌傳外人遂指爲左驗。舒章之詩。蓋實錄也。野史錯亂甚多。不可枚舉。後世論其事者。宜加詳攷焉。

綏寇紀略彙輯死難者甚明特錄之照其原本不復妄增然特死于闖及甲申以前者耳若獻賊屠戮全蜀及黔滇之死節者概未之登也之其中亦間有其人苟活而悞入褒錄者識者自能指之他如鼎革維新為殷頑為夷齊者何可指屈表章節義別有國史何敢輕贅焉

附忠貞軼紀

順天教授江左徐君懋賢手輯忠貞軼紀一卷載京師甲申殉節之士挺挺赴義視死如歸嗚呼此不足徵人心之不死而三百年王澤之深長也哉其所紀半屬儒生間及一二武職閒曹要以闡揚幽光補國史所不及

至于中閩貞媛尤不勝書當茲晦冥否塞之日而取義舍生寧甘玉碎毋為瓦全非所謂嚼然自濯于汗泥者歟是書斬于甲申歲當前聞見要屬真核且其言甚質足為一時實錄爰抄其姓名以備後人採焉

生員阮謙

謙父文相初為神樞營號頭二十一日聞帝崩父子相向而哭乃率弟文彩暨家人同拜

帝靈文相

相繼于中庭謙與文彩繼于門外庭內則文相嫂馬氏妻王氏女三如文彩妻朱氏妾王氏謙妻王氏五婦一女分東西架

死焉闔門九人無一生者

生員簡之苑

苑聞寇氛每切齒裂背及城破嘆曰惟一粟君恩深矣今義當殉難不復能事母也母奉衣止之乃奉母攜家歸避遂他地潛歸舊室經死

生員周士貴

城破時貴方縊于室為賊所解至四月二病心先帝蒿目時艱

同天無力在世何顏

裂背詩殉寇

裂背詩殉寇

卷

生員蔣士忠十九日士忠聞賊破城遠持刀奔賊所遇

帝崩慟哭其妻全赴水死

生員陳正國賊破城國欲殉死念母狄老不能自決母

繼死國僅遺三月孤兒妻狄氏苦節撫之

錦衣衛鎮撫魏師貞城陷自焚死

署都督僉事李明善城破自縊

游擊劉文質賊破城自縊妻于氏從死

指揮宋延福城破偕妻陳氏全縊死

戶部陝西司員外寧承烈城陷縊于公署土地祠

生員常自牧其氏年六十矣厲聲罵賊身觸刃而

生員沈壘母勅封孺人劉氏當殉國城破墜井死長女

已適人亦同日赴井死

夏妻孺人趙氏孺人為繼室生一女福建

家大變至此汝父在閩我身為命婦惟死為得全耳先麾其女赴井然後偕季媳孀婦唐氏同縊死僕婦

王氏亦隨死焉

鎮撫司僉書指揮李若璉璉居官廉平忤旨削級城陷

京營叅將陳嘉謨嘉謨分守安定門賊從東直門入嘉

謨巷戰而死聘媳羅氏以絮紉塞口

布衣楊國震城破國震聚妻一室積薪舉火鄰人救止

甲自焚其同居田氏三女一男亦同投火死

生員張烈祖母崔氏崔無孤守節四十年子希賢孫烈

烈往伏帝尸而哭賊怒拘之令作文命題為天與之

烈破口無可奈何賊大笑崔欣然曰孫若得死所吾

之願也後賊入其室崔高坐焉之家人恐咸跪而為之請賊以為老詩竟舍之去賊既退崔呼家人語曰

光祿著正于騰雲

借其妻郭氏妾劉氏痛飲全縊死

或作署丞

昌鎮標將任之華

賊圍城之華請于兵部願領火器三千守北面未果而城陷華並歸日家

人不忍我死當逃生耳

遂出門潛返馬廐縊死

自縊于宅後之水塘庵

錦衣百戶吳登俊

江南人以功世襲城陷

布衣秦文舉

再拜舉家自焚死

布衣張時燧

馬賊不屈賊義而

知州馬象乾教諭常朝珖
居珖授寶坻教諭未赴在三月十八日賊圍城急乾
過珖家問所以處此珖曰得死為幸耳翌日城破乾

率妻子六人並縊死珖被賊擒罵不

屈死之妻沈氏子德洽亦自經于家

致仕經歷詹應麟
麟年近八十被擒至賊

錦衣衛旗尉鄔默妻韻氏

默昆季四人長兄熹次默次

默曰爾盍爾殺賊以報國無空死溝瀆我婦人焉用苟活以果爾身遂率已女一及煦二女先死少頃煦見妹劉氏孫咸哥孫女大如二姐並隨默妻霍氏縊死勳亦死焉及四月三十日熹為賊所逼復與其妻

哥俱縊死

趙氏

趙氏縊死

趙氏屬聲與抗白刃交下而死于是元慶妻趙氏媳梁

鄭氏
復投
復死
鄭氏家癸未武進上錦衣指揮李鳳翼妻賊入城氏集其

生員楊肇興母楊氏叔母孀婦李氏城垂破楊氏先投

十餘矣見楊死語諸婦曰大母年六旬尚就死我輩

生員李慕懸寡母徐氏徐少寡懸以遺腹子撫教成立

氏姪媳袁氏死女二人同赴井死

生員鍾宇秀母高氏孀居間賊至投環死宇秀

生員顏卓妹年甫十三齡有艷色賊挾卓不

故余吾衛經歷趙對妻李氏賊破城李于房內掘上梁

被借女二姐孫女長姐同入坑以土掩之而斃

生員牛應象三女長年十八次十五次十三俱

生員蕭嘉熙妻李氏城破率兩妾安

生員苗有械妻李氏城破時有械肄業山居李氏携

生員翁宐中妻周氏城破赴水為鄰人救免四月三十

方殮顏色不變時方赤日有陰雲覆其上

生員毛公望妻楊氏太醫院吏目楊元女也賊入城楊

各自盡無為賊辱即與一女一婢其赴井死公望奔

告于楊而元之妻洪氏妾王氏并一男三女俱已赴

生員劉贊明妻牛氏年二十四歲賊破賊號泣滿路氏

也賊入其室氏投生女子水手刃自刎死

舉人曹家麟妻子氏孀居守節十年間賊至付

生員張兆玄一門四節婦家婦苗氏即有械女也什婦

劉氏妾養魁女四姐仝時赴

生員李時滋妻段氏賊臨城氏縫綿兩衣一件藏碎銀

四兩語時滋曰有變當服此時滋

裂皆奇殉死

奇烈奇所奇也

奇烈奇所奇也

怒擲衣而出十九日氏以衲衣付家人携子

生員劉仵妻妹婦梁氏并一女同盜滋父子竟以衲衣獲濟

生員劉肅妻王氏氏婚居苦節賊至借幼女赴井死

生員孫灝妻王氏盜死

儒士張捷妻馬氏守節十三年一女年及笄賊至全盜死

生員石原妻戴氏盜死

生員蔣如蘭妻邊氏逃亂至母家同母赴井死

寡婦張氏丘氏張氏生員田需妻也年少孀居城破時盜死丘氏夫陳姓守節二十三年賊遁

縱火時自盜死

生員史彝典妻蕭氏盜死

周道隆妻姜氏四月三十日縱死

季聚金妻秦氏盜死

生員賈士遴母白氏四月三十日全媳李氏孫女大姐全盜死長子士在孫兆元兆慶亦死

太醫董從雲女從雲被殺女赴井死

三月十九日自盡者又有生員馬化龍與其母金氏祖

母賈氏伯母范氏共四口 生員王三祝妻陳氏并二

女共三口 生員王有信母張氏嫂朱氏劉氏韓氏妻

包氏弟婦丁氏姪女大姐共七口 生員李調元母楊

氏 生員閻梅母李氏 生員張炯廢母徐氏 生員

包義易伯母栢氏女三姐姪女大姐 生員朱用卿父

朱字義 生員洪士望弟洪士奇 生員夏時行妻李

子... 裂昔密殉... 在

氏妹三人 生員馮泮妻于氏 嫂陳氏 姪女栢姐 生

員溫良璞妻李氏 女大姐 生員張廷瓚妻劉氏 生

員黃維泰妻董氏 陳時泰妻曹氏 李尊元妻 氏

妹三姐七姐

四月三十日自盡者則有生員史載文 母林氏 米壽

國母方氏 曹紹勳母朱氏 妻張氏 生員王良眉妻

張氏 朱紹乘妻葉氏 何器妻夏氏 鄭以炳弟婦

戴氏 郭茂襄妻辛氏 生員李思獻妾王氏子李夢

夔媳陳氏 女二男女孫各一



